



Osuđen i četvrti optuženi iz predmeta Ismet Gutlić

GODINA ZATVORA ZA SVERC DROGE IZ BiH U AUSTRIJU

Adnan Sadibašić nagodbom priznao da je učestvovao u prevozu droge, za što ga je u julu 2013. angažovao Enes Gutlić

Adnan Sadibašić (1986) iz Zenice presudom Suda BiH osuđen je na godinu zatvora zbog krijumčarenja droge iz BiH u Austriju.

Ovu presudu je, nakon razmatranja sporazuma o priznanju krivice, koji je Sadibašić sklopio sa državnim Tužilaštvom, prošle sedmice izrekla predsjedavajuća Sudskog vijeća Tatjana Kosović.

Istom presudom od Sadibašića su oduzeti predmeti korišteni pri izvršenju krivičnog djela, preciznije mobitel, te manja količina marihuane, dok su mu ukinute ranije izrečene mjere zabrane.

U istom predmetu ranije su, kako smo to objavili, također po nagodbama osuđena braća Ismet (1979) i Enes (1985) Gutlić iz Zenice, te Edina Šarić (1977) iz Gradačca, a koji sa zajedno sa Sadibašićem uhapšeni u akciji



Zenit, koju su pripadnici SIPA izveli u decembru 2013. Ismet Gutlić se tako nagodio, pa je i osuđen na tri godine, njegov brat na 14 mjeseci, a Šarićeva na 18 mjeseci zatvora.

Sadibašić je sporazumom priznao da je učestvovao u prevozu droge, a u presudi se navodi da ga

je Enes Gutlić 24. jula 2013. angažovao za prebacivanje određene količine marihuane iz Zenice u Austriju.

Sadibašić je drogu sakrio u opel omegi (M32-J-955), te se uputio u Hrvatsku. Sa njim u autu je bio Enes Gutlić, dok ih je u drugom opelu pratio Ismet Gutlić. Kada su

prešli granicu sa Hrvatskom, zamijenili su vozila, te je Ismet Gutlić 25. jula 2013. vozilom u kojem je bila droga napustio teritoriju Hrvatske te je u Austriji predao Mahmutu Gutliću.

- Mahmut Gutlić je tu drogu prodao izvjesnom Johannesu, a novac od prodaje je dobijao Ismet

ili je putem Western uniona uplaćivao Šarićevoj, kako bi ga predala starijem od braće Gutlić, navodi se u presudi.

U optužnici se navodi i to da je Mahmut Gutlić u Austriji trebao naći kupce i marihuanu prodati po cijeni od šest i po ili sedam eura po gramu.

L. S.